

道門科範大金集卷之六十一

廣成先生杜光庭制定

北斗延生道場儀

靜夜行道

法事陸壇如式

各禮師存念如法

宣衛靈呪

五星列照煥明五方水星却災木德致昌  
榮歲消禍太白辟兵鎮星四據家園利亨  
名刊玉簡字錄帝房乘鸞散景飛騰太空  
出入冥無遊宴十方五雲浮蓋招神攝風  
役使萬靈上衛仙翁和與道合真

鳴法鼓二十四通

無上三天玄元始三炁太上道君太上老君  
召出巨身中三五功曹左右官使者左右捧  
香驛龍騎吏侍香金童傳言散花玉女五帝  
直符直日香官合三十六人出出者嚴裝顯  
服冠帶垂纓闔啓玄壇土地方域神真且令  
靜夜行道謹奏為入意其諸情悃已錄告聞  
願得太上十方至真道炁靈寶瑞光下降流

入巨身中令巨所啓速達徑御

太上無極大道

昊天玉皇上帝

請稱法位

具位巨等謹同誠上啓

虛无自然元始天尊太上大道君太上老君  
昊天玉皇上帝九皇上真十方已得道大聖  
眾至真諸君丈人三十六部尊經玄中大法  
師圓穹玄象日月星辰北斗尊帝七元輔弼  
星君南極大帝丈人司馬六司星君本命元  
辰洞天海嶽三界官屬一切真靈巨聞翕張  
元氣北斗為七政之樞機號令羣生北斗為  
上天之候舌倬彼羣象屬茲命元以其運於  
天地之中降其東為短長之命分歲直而各  
主總化生之大原貴而王公下而士庶一均  
賦與咸上稟於天元密運回環迭有臨於辰  
次以一年而觀乎時運凡六度降在人間當  
其颺馭下翔靈恩博濟定壽數之期限為性  
相之本根雖天道公而無私在物理求而必  
與設醮弟子共素有道心之發欲臻善果於

身熙謝真君不忤靈期之虛過投告北斗仰  
資萬炁以長存巨等備位真司留心齋法龍  
章鳳篆披妙蘊以洪敷寶笈琅函助仙風而  
誕布况奉詞旨敢不上聞齋意青詞謹當宣  
奏

宣詞

按如詞文誠切修奉廣陳供養備列威儀燎  
以百和之香德馨並達明以九微之燭心鑒  
遙通真金醴以交神進瓊腴而薦品大則法  
天像地小則酌水獻花備物以表誠虔心而  
致告求無違之福利夙夜勤劬懇無上之法  
橋存亡普度以令靜夜行道諸法眾等運茲  
初捨上香供養十方一切道寶巨等皈身皈  
神皈命  
太上元始天尊昊天玉皇上帝九品上聖以  
是功德仰祝  
今上皇帝陛下伏願景命有赫萬壽無疆玉  
帛駿奔車書混一日月合璇璣之度陰陽均玉  
燭之和河海晏清干戈偃戢無一夫之失所  
得萬國之驩心並降之瑞符臻太和之氣浩

作今故燒香自歸依

道尊大聖眾至真之德得道之後昇入無形

和與道合真

以今靜夜行道請法眾等運茲二拾上香供

養十方一切經寶臣等皈身皈神皈命

太上玉宸大道君紫微天皇大帝九品上真

以是功德歸流醮主某九世七玄德曾萬祖

陰宮夜府一切亡靈伏願鍊沐神魂昇入洞

陽之境起離鬼籍別生景福之天受仙官拔

度之恩斷鬼神連逮之役慶流後裔功及宗

人今故燒香自歸依

經專大聖眾至真之德得道之後昇入無為

和與道合真

以今靜夜行道請法眾等運茲三拾上香供

養十方一切師寶臣等皈身皈神皈命

太上金闕老君紫微北極大帝九品上仙以

是功德歸流醮主某屆茲元命之辰別注殊

常之福遠為期限並龜鶴以齊年除去害災

與珪璋而比德所有行年之上運限之中或

暗曜臨身或黑符加運或值運元之衝破或

當氣本之衰微並願本命星官本宿神將悉

來擁護無使傾危回死注生變凶為吉仰寶

道騰並荷玄休今故燒香自歸依

師尊大聖眾至真之德得道之後昇入無為

和與道合真

唱方 懺方 三啓 三禮

具位 臣某等謹同誠上啓

虛无自然元始天尊太上大道君太上老君

昊天玉皇上帝九皇上真十方已得道大聖

眾至真諸君丈人三十六部尊經玄中大法

師圓宵玄象日月星辰北斗尊帝七元輔弼

星君南極大帝丈人司馬六司星君本命元

辰洞天海嶽三界官屬一切真靈臣等伏以

太上慈悲為眾生之父母本命經訣作當世

之津梁僕匪慈航登道岸自聖真之界付

許蒙海之宣行永壽改元之初至于今日太

清開教之久傳及小臣不量弱質之凡輒演

真科之妙伏乞九清重盼三洞流光憫以大

慈開以大宥赦除弟子某爰從歷劫逮及今

生捨身受命從苦入苦漂沉六趣混合眾生

或富或貧或貴或賤或生夷域或在中華不

悟正真罔知經戒務追時好以取世資失性

任情貪財背義妬賢嫉善不親勝己之人冒

法為非不顧陰司之錄罪根深重惡業繁纏

或得罪於殺父益母之神或受報於陰考陽

罰之數違明真之科典犯三元之品文五帝

四司記其自為之孽三官九府校其所作之

非被天司之滅算除年無善功之消災懺罪

魂神被繫禍患來鍾或連年而疾病不痊或

累歲而邪妖剋害近則先亡連復遠則塚訟

微呼被下鬼之誣誣蒙上天之加譴連逮祖

禰流注子孫今投解謝之門乞免淪沒之苦

未赦者赦未原者原應其請福延生之求聽

其修齋設醮之願所削落者皆三災九厄所

衝護者有萬聖千真易短促之年為延長之

筭變災衰之運為吉慶之期富貴聰明處人

中之殊勝快樂自在獲壽量之無窮均福利

於同居尊恩光於後裔上明

天尊大慈之澤下副臣等歸命之誠謹啓以

聞

十二願

復爐

謹攝香官使者左右龍虎君侍香諸靈官當  
令臣向來靜夜行道之所自然生金液丹碧  
芝英百靈眾真交會在此香火爐前當願十  
方仙童玉女接侍蘭煙傳臣向來所啓之誠  
速達徑御

至真無極大道

昊天玉皇上帝御前

出堂頌 出戶

道門科範大全集卷之六十一

道門科範大全集卷之六十二

廣成先生杜光庭制定

北斗延生道場儀

設醮行道

法事陞壇如式

各禮師存念如法

宣衛靈呪

五星列照 煥明五方 水星却災 木德致昌  
熒惑消禍 太白辟兵 鎮星四據 家國利貞  
名刊玉簡 字錄帝房 乘機散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁 與道合真

鳴法鼓二十四通

無上三天玄元始三炁太上道君太上老君  
召出巨身中三五功曹左右官使者左右捧  
香驛龍騎吏侍香 金童傳言散花玉女五帝  
真符直日香官合三十六人出出者嚴裝顯  
服冠帶垂纓關啓玄壇土地方域神真 臣今  
靜夜行道謹奏為 入意其諸情悃已錄告聞  
願得太上十方至真道炁靈寶瑞光下降流

入巨身中令臣所啓速達徑御  
太上無極大道

昊天玉皇上帝御前

請稱法位

具位 臣等謹同誠上啓

虛元自然元始天尊太上大道君太上老君  
昊天玉皇上帝九皇上真十方已得道大聖  
眾至真諸君丈人三十六部尊經玄中大法  
師圓穹玄象日月星辰北斗尊帝七元輔弼  
星君南極大帝丈人司馬六司星君本命元  
辰洞天海嶽三界官屬一切真靈 臣等伏以  
性命皆憑妙道之所生形體皆為本宿之所  
掌一身之元辰驛馬奉天令以解除害災七  
元之本命星官祭人為以增崇福壽當有威  
儀之像世必開真聖之通靈恭惟

北斗本命真君造化之樞機陰陽之元本主  
持人命統御萬靈有回死注生之功示懺罪  
消災之法然道為萬氣之母天乃百神之宗  
命雖主於七星事志關於天府故五行共稟  
七政同科凡當元命之辰普降眾真之駕醮